

ԶՄՅՈՒՌՆԻԱՅԻ ՀԱՅ ՎԱՃԱՌԱԿԱՆՈՒԹՅՈՒՆԸ ՄԻՋԱԶԳԱՅԻՆ
ԱՌՆՎՏՐՈՒՄ (XVII—XVIII դդ.)

Պատմ. գիտ. դոկտոր Ա. Ա. ԽԱՌԱՏՅԱՆ

Զմյուռնիայում հայ գաղթավայրի կազմավորումից դեռ շատ առաջ հայ վաճառականները ավանդական կապեր ունեին փոքրասիական նավահանգիստների հետ: XVII—XVIII դդ. և դրանից հետո Վենետիկի ու Զենովայի առևտրի ընդլայնումը բյուզանդական պետությունների տրանսիտային ուղիներում խթանեցին նրանց առևտուրը նաև արևելքի հետ: Հայ վաճառականների գործունեությունը հաստատուն էր դառնում բուն Հայաստանի քաղաքների առևտրահանգուցային դերի շնորհիվ. այստեղ ձգվող ճանապարհները տանում էին հյուսիս՝ Տրապիզոն և Կ. Պոլիս, սրանց վրայով՝ սեփական ալյումինական գիտություններ, և մյուս կողմից՝ տարածվում դեպի Սև և Միջերկրական ծովերի միջև ընկած առևտրական ուղիները: Այս ժամանակաշրջանում հայ առևտրականները մշտապես շփվում էին լեվանտի առևտրական կենտրոնների հետ, որտեղ ծանրակշիռն արշավանքներից հետո առաջացել էին հայկական գաղութները¹: XVIII դարում ինչպես Կ. Պոլսում և Վենետիկում, Զմյուռնիայում ևս իրենց գաղթականությունն էին ստեղծել դրամահայ վաճառականները²: Վենետիկի և Զենովայի առևտրական գործառնությունների ոլորտում Զմյուռնիան արևելքի և արևմտքի ապրանքափոխանակության կարևոր հանգուցակետն էր: Հայ վաճառականները էգեյանի մատուցներն էին հասնում Արևելյան Հայաստանի ամենատարբեր շրջաններից՝ տեղափոխելով փոքրասիական տնայնագործական արտադրանք և հումք:

Նիկեայի կայսրության և դրան հաջորդած փոքրասիական բյուզանդական ժամանակաշրջանում Զմյուռնիան Կ. Պոլսի, Տրապիզոնի և Ալաշի հետ միասին փոքրասիական կարևոր նավահանգիստներից մեկն էր³:

XIV դարում առևտրատնտեսական որոշ դեր ունեցող նաև Զմյուռնիային կից Մանիսա քաղաքը, որին տիրում էին օսմանյան թուրքերը: 1352 թ. նրանք Զենովային տրամադրեցին տեղի շիրի արդյունահանման մենաշնորհը, որի հետևանքով ջենովացիները ընդլայնեցին եվրոպական տեքստիլ արդյունաբերության հումքային մատակարարման շրջանակները⁴: Եվրոպական առևտրականների հետ հայերի համագործակցության մասին է վկայում այն, որ նրանք գտնվում էին թուրքերի դեմ արշավանքի պատրաստվող Կլիմենտ VI պապի շրջապատում: Այդ արշավանքին մասնակցեցին Վենետիկը, Զենովան և Կիպրոսը: 1346 թ. գրված մի մաշտոցի հիշատակարանում արշավանքի նախապատրաստությանը ականատես հայ գրիչը նշում է. «Այլ որպէս և ոյր աղագաւ զայն կարգս գրեցի, վասնզի յառաջ Գ ամաց զի Կլիմենտոս պապն Վեցերորդն զիշխան ոմն Իմպերտ անուն և մականունն տօֆին, կոմս Վիլհելմոյ արարեալ և կարգեալ զլիաւոր ընդդէմ թուրքանց ի վանումն նոցա և յղեաց ի քաղաքն Զմիւռնիոյ լիկեացոց: Եւ իմ յայնժամ տեսեալ զկարգ առնողութեանն գրեցի զստորագրեալս արարողութիւնն»⁵:

1 Հ. Մանանդյան. Քննական տեսություն հայ ժողովրդի պատմության. Երևան. 1952, էջ 166:

2 Վ. Ա. Միքայելյան. Ղրիմաշայոց պատմություն. Երևան, 1989, էջ 69:

3 Ա. Ալպոյաճյան. Պատմություն Եվրոպիո հայոց. Կահիրե, 1952, էջ 247:

4 H. Inalcik. The Ottoman Empire. 1300—1600. New York—Washington, 1973, p 134.

5 Մայր ցուցակ հայերէն ձեռագրաց մատենադարանին Մխիթարեանց ի Վենետիկ (կազմ. Բ. Սարգիսյան, Գր. Սարգիսյան). հ. Գ. Վենետիկ, 1966, էջ 358:

Դաշնակիցների նավատորմը լողաց դեպի Լյուսենի էմիրություն և տիրեց Զմյուտնիայի մեծ մասին, որ տեղեց մինչև Լենկթևուրի կողմից բաղաձիգրավումը (1402)։ Լյուսենի ընկության դեմ այս զինակցությունը ցույց է տալիս Զմյուտնիայի կարևոր նշանակությունը միջազգային ապրանքափոխանակության ասպարեզում։ Լայո նշանակությունը պահպանվեց և առավել ընդլայնվեց XVI—XV դդ. և հետագայում։ Դրան մի հայտնի չափով նպաստեց Միջերկրական ծովի ասիական նավահանգիստների դերի նվազումը, որի հետևանքով առանձնապես աշխուժացան փոքրասիական բարավանային ուղիները, որոնք տանում էին դեպի Կ. Պոլիս և Զմյուտնիա։ XVI դարում միջերկրածովյան առևտրում Վենետիկի թուլացումը պետք է փոխհատուցվեր Սև և Էգեյան ծովներում եվրոպացիների հետ առևտրի մեծացումով, որից դարձան շահեցին այդ նավահանգիստները⁷։

XV դարում եվրոպական մանուֆակտուրային արտադրությունը Թուրքիայում ուղիներ էր հարթում տեղական արտադրության մրցունակության մի որոշ առկայություն պայմաններում։ Եվրոպական թավիշը և մահուդը, առանձնապես անդրիական մահուդը, Բրուսսելի շուկայում փոխանակվում էին տեղական արտադրանքի հետ։ Հետագայում արագորեն զարգացող իտալական, անգլիական, ֆրանսիական և հոլանդական արտադրությունը լիվանտի առևարահրապարակը գնահատելու էր գերազանցապես հումքի տեսակետից։ Հումքի հարածուն պահանջարկը նշանակալի եկամուտներ էր խոստանում այն անմիջականորեն արտադրության վայր տեղափոխելու գործում։ Այս բեկումն էր պատճառը, որ փոքրասիական ներքին առևտրին քաջատեղյակ հայ առևտրականները XVI դարի կեսերին դուրս էին գալիս Զմյուռնիայից և ծովային ուղիներով հումք (բամբակ, մետաքս) էին հասցնում եվրոպական երկրներ։ XVII դարում ավիլի կարևոր դարձավ Զմյուռնիայի՝ առևտրական հանգուղակետի դերը։ Զուլայիների ապստամբության ջախջախումից հետո Զմյուռնիա ույցեյած Սիմևոն Լեհացին նկարագրում էր այդ նավահանգստի հարաշարժ առօրյան. «Եւ նետի (Մանիսայից—Ա. Խ.) կէս օրն հասաք իգմիր քաղաքն իկնողայոսիս։ Եւ սո էր ծովու եայու մեծ սկսւյալ, որ Ստամպուլա, Մսրա, Նիսնատիկսու, Սարոսն և ուլլոց կէմիր կու խողային և րազում ֆոսնկը և հոռու։ Կային անդ»⁹¹։

XVI—XVII դդ. գմյուռնարնակ, ինչպես և եկվոր հայ վաճառականները տարանրույանկի շատ կարևոր տեսակներ էին տեղափոխում նվրուպա և զգալի տեղ էին զբաղվել մանուկանի խաղաղական քաղաքների հետ ունեցած առևտրում: 1576 թ. վենետիկի սենատը զեղչել էր ցամաքով բերված մետաքսի դարը, իսկ 1589 թ. որոշմամբ թեթևադնում կամ անմաքս էր դարձնում Պարսկաստանից ներմուծված մետաքսը, որի զղալի մասը բաժին էր բնկնում Ղևոնդիայի նավահանգիստին¹⁰, Տոսկանայի ղուբսը և 1591 թ. մի հրովարտակով առանձնաշնորհումներ էր տրամադրում հայերին՝ հրավիրելով նրանց բնակություն հաստատել Լիվոռնոյում: 1646 թ. այստեղ հանգրվանած տասներկու հայ խոշոր վաճառականներից երեքը գմյուռնացիներ էին, որոնք թվալիս տեսակետից գիշում էին միայն կեսաբաղյիններին¹¹, Լիվոռնոյում գործող վաճառականներից էր 1662 թ. Զմյուռնիայում ստղծոսարան գրադարած Սուրիասը, որը ուշագրավ տողեր է թողել իր առևտրական ղրաղունների

Ե Ա. Ս ի ո ռ ո ճ ի յ ա ն. Պատմություն Հայկաի հայրոց. հ. Ա., Հայկալ, 1940, է. 274:

⁷ L. Subhi I. The era of Suleyman Magnificent. Crisis of orientation.—*International Journal of Middle East studies*. Vol. 10, 1979, p. 449.

* M. Akdag. Türkiye'nin İktisadi ve İctimal tarihi, cilt II, İstanbul, 1974, S. 435.

⁹⁾ Սիմեոն դպրի Լեհացույ ուղեգրութիւն. Վիեննա, 1936, է. 37—38:

¹⁰ Ղ. Ա ի շ ա ն. Սիսական. ՎԼՆԵՆՈՒԿ, 1893, էջ 140.

¹¹ Մ. Ուղուրյան, «Կառավարության հարց դադարեցնելու և շինության եկեղեցվու նախաժամարտության», Վենետիկ, 1891, էջ 45, 50:

և հոգեշահ գործունեության մասին. «Աւարտեցաւ ի թուականիս Հայոց ՌՃԺԱ ամին և յունիսի ԻԱ, յաւուր շաբաթու ի քաղաքն Զմիռ ընդ հովանեաւ սուրբ Բարդուղիմեոսի եկեղեցուն և այլ կայր գիրքս այս ի ձեռին իմում ոչ կա-
րէի անարտել զի էի վաճառող ընչից. երթայի քաղաքէ ի քաղաք այլ երկիր որ կոչի Տալիս ի քաղաքս Լիկոնայ, ի թագաւորութիւնն գրանդուկայ Ֆէրդինանդոս Մեդիչի...»¹²:

XVII դարում, հիրավի, զմյուռնահայերի թիվն ավելի էր մեծացել այդ քաղաքում: 1663 թ. Ս. հավատոտ տարածման ժողովի քարտուղար Ալեքսիսին նշում էր այդ իրողությունը, որ կատարվել էր ադոսկանական տէրութեան շնորհած արտոնութեանց պատճառան և վաճառականաց հետզհետէ հա-
ճախելովն ի Լիկոնոս»¹³:

Լիկոնոսյում հայերը վաճառում էին Թուրքիայից բերած հումք, ինչպես և լեվանտի շուկաներում պահանջարկ վայելող ապրանքներ՝ շերամ, մուշկ, որդան կարմիր, բուստ, սաթ, մեղրամոմ, բրդեղեն, կտավ, կերպաս և այլն: Այս հանգամանքը կարևոր է տեղի հայ վաճառականության հարատևությունը (մինչև XIX դարի կեսը և հետո) բացահայտելու տեսակետից, քանի որ պարսկական մետաքսի ներմուծումը բավականաչափ սպառվել էր արդեն XVIII դարի առաջին կեսից՝ աստիճանաբար ցրելով իտալական ու հոլանդական քաղաքներում մետաքսի առևտրից սնուցվող հայ առևտրականների կուտակումները: Լիկոնոսյում հայ առևտրականության երկարակեցությունը բացատրվում է նաև հոլանդական բռնաշրջանառության մեջ ունեցած նրա ակտիվ դերով, որի շնորհիվ նրանք իրացնում էին յուրատեսակ միջնորդություն հոլանդական նավատերերի և Լիկոնոսի միջև: Ա. Սյուրմեյանը գրում է, որ ճնավային առևտրի նույն ռզկորությունը հունական կղզիներու և էգեյական ծովու նավահանգիստներու մեջ ալ ու հավանաբար հալիպցի կամ իզմիրցի վեց վաճառական հայեր՝ Սարհատ, Չաքըր, Հովհաննես, Մարկոս, Պետրոս և Հակոբ, 1627 նոյեմբերի 21-ին Ամստերդամի մեջ առևտրական դաշինք կկնքեն հոլանտացի Jan Steen-ի հետ, որով վերջինս, անշուշտ, նա-
յատեր մը, Լիկոնոս պիտի փոխադրեր ապրանքներ»¹⁴: XVIII դարում զբա-
յուռնացիների գործունեությունը Լիկոնոսյում շարունակվում էր նույն ակտի-
վությամբ: Այստեղ պահպանվել են զմյուռնացի վաճառականներ Ավետիք Ոսկանյանի (1770), Ապրո Չելիպիի (1713) և Ստեփան Նազարեթի (1720) տապանաքարերը¹⁵:

Զմյուռնահայ վաճառականները վաղեմի կապեր ունեին Վենետիկի հետ: Այստեղ բնակվող այդ վաճառականներից, որոնք ապրել են XVII—XVIII դդ. և թողել երկուսից ավելի ճյուղ կամ սերունդ, Ղ. Ալիշանը հիշատակում է Մարտիրոսյանին (հինգերորդ սերունդ) և Ադամյանին (չորրորդ սերունդ)¹⁶:

Առևտրի փոփոխությունների հետևանքով կատարվում էր և հակառակը՝ Վենետիկի հայ վաճառականներն էին բնակություն հաստատում Զմյուռնիա-
յում: Այս իրողությամբ է մասամբ բացատրվում Նվրոպայում ապաստանած հայերի գաղթը Զմյուռնիա XVIII դարում: Զմյուռնահայ վաճառական Շա-
հումյան ընտանիքի մասին Ա. Այվազյանը նշում է, որ այն «Վենետիկեն եկած հին ընտանիք մըն է»¹⁷: Հիրավի, Մեղրիի (կամ Ղափանի) վաճառական դասը, որը «հզոր էր իր միջազգային կուտակումներով»¹⁸, XVII դարում և

¹² Մայր ցուցակ հայերէն ձեռագրաց մատենադարանին Մխիթարեանց (կազմ. Բ. Սարգիս-
յան). Կ. Ա., Վենետիկ, 1914, էջ 349:

¹³ Մ. Ուղուրլյան. նշվ. աշխ., էջ 51:

¹⁴ Ա. Սյուրմեյան. նշվ. աշխ., էջ 614—615:

¹⁵ Մ. Ուղուրլյան. նշվ. աշխ., էջ 103—104:

¹⁶ Ղ. Ալիշան. Հայ—Վենետ. Վենետիկ, 1896, էջ 497:

¹⁷ Ա. Այվազյան. Հոնիական գաղութի նահապետներեն.—«Արևելք», 3 սեպտեմբե-
րի 1900:

¹⁸ Լ. Ե. Խոջալական կապիտալ. Երևան, 1934, էջ 283:

հետո առևտրական տներ էր հիմնել Վենետիկում, Կ. Պոլսում, Զմյուռնիայում և այլուր։ Շահումյանների տոհմը, որից, ի դեպ, սերում էր Դավիթ Բեկի գինեակից Սահաֆանոս Շահումյանը, Վենետիկում էր հաստատվել XVII դարի կեսին։ Սահաֆանոս Շահումյանի հորեղբայրը՝ Սահակի որդի Ոսկանը, այստեղ ռեկեալ և հաստատվել էր ի տուն վաճառականության¹⁹։ Շահումյանները, ինչպես և Վենետիկի մյուս հայ վաճառականները, ամբողջովին կապված էին լեվանտական առևտրի հետ։ Նրանք ներմուծում և արտահանում էին գյուղատնտեսական հումք, Դամասկոսի կերպաս, եվրոպական լայն սպառման առարկաներ, գործվածքեղեն, ապակի և այլն։ 1757 թ. այդ առևտրական սուրնը սնանկացավ շուրջ հարյուրամյա գործունեությունից հետո, մինչդեռ Զմյուռնիայի նրանց աղգակիցները շարունակում էին իրենց հաջողակ գործունեությունը։ 1781 թ. հունիսին Ղուկաս կաթողիկոսը ողջուն էր հղում իգմիրյի պարոն Հակոբ Շահումյանին²⁰, որը պետք է ստորագրեր Դավիթ կաթողիկոսին 1803 թ. ուղղված հավատարմագրի ներքո։

Զմյուռնիայում և Վենետիկում հաստատված մեղրեցի (ղափանցի) վաճառականներից էին Պապղույանցները։ 1791 թ. Ղուկաս Կարենցին զբաղվում էր ղմյուռնաբնակ վաճառական Հ. Պապղույանցի ժառանգության գործով և տեղեկացել էր, որ Մեղրիում է բնակվում նրա ազգականը։ Կաթողիկոսը խնդրել էր Զմյուռնիայի առաջնորդ Իսահակ վարդապետին՝ բաժարարկու ժառանգորդի օրինական պահանջները²¹։ Ուշագրավ է, որ Վենետիկի Ս. խաչ եկեղեցու դիմանում հիշվում է Ոսկան, որդի Պապղույի վաճառականը (1677—1730 թթ. գրագրություններում)²², 1718 թ. Վենետիկում լինակվում էին տաս մեղրեցի վաճառականներ, որոնք առևտրական կապեր ունեին Զմյուռնիայի հետ²³։

XVIII դարի սկզբներին արդեն նկատելի էր դարձել Վենետիկի առևտրի տնկումը թուրքական նավահանգիստներում։ Կ. Պոլսում ոռոտական դեսպան Ա. Տոլսալյը նշում էր Վենետիկից ներմուծվող ոսկեկար և մետաքսե դիպակների բարձր պահանջարկը թուրքական ավազանու մեջ, սակայն արձանագրում էր Թուրքիայում վենետիկցի վաճառականների սակավությունը²⁴։ Մի քանի տասնամյակ անց թեև պատկերը փոխվում է, և քաղաքում աշխուժանում է վենետիկցիների փոքրաթիվ համայնքը, սակայն, ինչպես վկայում է իր նկարագրի²⁵, վենետիկյան առևտուրը կորցրել էր իր ծավալները։

Զմյուռնաբնակ հույն, հրեա և հայ վաճառականությունը XVIII դարի առաջին քառորդին զգալիորեն կրճատել էր առևտուրը Վենետիկի հետ։ Կրրճատվել էր մետաքսի, անգորական րոզի, հումքի այլ տեսակների արտահանումը։ Առևտրի այսպիսի անկումը կապվում էր Վենետիկի հետ Թուրքիայի հարաբերությունների սրման, ինչպես և լեվանտի առևտրում անգլիական ու ֆրանսիական առևտրի հաշվեկշռի ընդլայնման հետ։ Վենետիկի իշխանությունները հիվանդագին ընդունեցին Զմյուռնիայի հետ առևտրական կապերի նվազումը։ 1712 թ. սեպտեմբերին նրանք ձեռնարկեցին ողորկել «հայ» դի մի դադարեցնել յառևարսյ վասն խակագործության ինչ գունցին Զմիռնիոյ, գի ի նոցանէ կախեալ էր շահ առևտրի երկոցուն նաւահանգստաց (Զմյուռնիայի և Վենետիկի—Ա. խ.)²⁶։

19 Ղ. Ալիշան. Սոսական. Վենետիկ, 1893, էջ 300։

20 Դիման հայոց պատմության, նոր շարք, գիրք 1, Ղուկաս կաթողիկոս Կարենցի (աշխատություններում) Վ. Դրիգորյանի). հ. Ա, նրեան, 1984, էջ 248։

21 Դիման հայոց պատմության. գիրք Դ, Թիֆլիս, 1899, էջ 566, 603, 606։

22 Ղ. Ալիշան. նշվ. աշխ., էջ 304—305։

23 Ո. Արամյան. Դավիթ Բեկ կամ «Պատմություն ղափանցոց». Վենետիկ. 1978, էջ 115—116։

24 Русский посол в Стамбуле. М., 1985, с. 97.

25 Ը. Մ. Լанцет. Русские путешественники на Ближнем Востоке. М., 1965, с. 80.

26 Ղ. Ալիշան. նշվ. աշխ., էջ 448։

Հիրավի, մեկ տասնամյակ անց վենետիկի հյուպատոսը զուր ջանքեր էր գործադրում Թուրքիայի հետ իր հանրապետության քաղաքական ու առևտրական հարաբերությունների վատթարացումը կանխելու համար: Բանը հասավ այնտեղ, որ վենետիկյան նավերը հարկադրված էին ընթանալ ֆրանսիական դրոշակով, որ առաջ էր բերել վենետիկյան ներկայացուցչի բողոքը²⁷:

Զմյուռնահայ վաճառականները սերտ կապեր ունեին հոլանդական առևտրական կենտրոնների հետ, որին մի հայտնի չափով նպաստել էր հոլանդական նավաշինության զարգացումը: Հոլանդիայի հյուսիսային գավառներում առևտրական առաջատարի դեր ստանձնած Ամստերդամը ազատություն էր շնորհել օտար առևտրականներին: XVII դարում առանձնապես աշխույժ էին դարձել հոլանդական տնտեսական կապերը Զմյուռնիայի հետ²⁸, որ շարունակվեց նաև հաջորդ դարում: Թուրքիայի և Հոլանդիայի միջև առևտրական դաշինք կնքվելուց հետո (1612) Զմյուռնիայում հաստատվեց հոլանդական հյուպատոսություն: 1688 թ. Կ. Պոլսում նշանակվեց նիդերլանդական դեսպան, իսկ 1680 թ. Հոլանդիայի առևտրականներին տրվեցին նույնպիսի արտոնություններ, ինչպիսիք ունեին Անգլիան և Ֆրանսիան: Հոլանդիայում հանգրվանած հայ առևտրականները փոքրասիական մետաքսն ու գյուղատնտեսական հումքը Հոլանդիա տեղափոխելուց հետո լեվանտական առևտրի կենտրոններ էին տանում եվրոպական արտադրության արդյունքներ: 1626 թ. հետո նոր Զուլալի հայերը մշտական հաստատություն գտան Ամստերդամում՝ նրա հետ առևտրական կապեր ստեղծելով ճառանց հոլանդացի, հրեա կալայի միջնորդների, հոլանդական շահերից օգտվելու համար թե՛ ներածություն և թե՛ արտածություն²⁹: Զմյուռնահայ վաճառականները ևս գործուն մասնակցություն են բերել այս հարաբերություններին: Շարունակ 1672 թ. նշում էր, որ վաղուց ի վեր Զմյուռնիայում ապրող հայերը գործնական կապեր ունեն հոլանդական առևտրական ընկերությունների հետ³⁰, Դրան նպաստում էր տարանցիկ առևտուրը ըստ ամենայնի խրախուսող հոլանդական կառավարության վարած ազատ առևտրի քաղաքականությունը: Նույն կերպ, Անտվերպենում խրախուսվում էին արևելյան, այդ թվում և հայ վաճառականները, որոնք գործում էին անկախ, առանց ընկերությունների և այսպիսով դուրս էին մրցակցությունից և չէին կարող վնասել հոլանդական առևտրի շահերին³¹: XVII դարի վերջին և XVIII դարի սկզբին հոլանդական նավերի թե՛ ռազմա-առևտրային աճը լեվանտում, Գլխավոր շտատների կողմից քաղաքական բարենպաստ հարաբերությունների պահպանումը Թուրքիայի հետ նպաստում էին հոլանդական առևտրին³²: Այս ժամանակաշրջանում հոլանդական առևտուրը գրավում էր լեվանտի շրջանառության 20—25 տոկոսը³³, որը նշանակալի որակ էր եվրոպական առևտրի հաշվեկշռում:

Արտաքին առևտրում առաջացած խոչընդոտների դեպքում, սակայն, հայ վաճառականները միավորվում էին և այս դեպքում նրանց կազմակերպչությունը ի հայտ էր գալիս որպես քաղաքական հովանավորություն վայելող օտար վաճառականներին ընդդիմանալու արդյունավետ միջոց: Ա. Սարուխանը մեջբերում է զմյուռնահայ վաճառականների բողոքագիրը (1658—1659 թթ.) Զմյուռնիայի հոլանդական հյուպատոս Մորտիերի դեմ՝ ուղղված Հոլանդիայի Գլխավոր շտատներին: Հյուպատոսը կամայականորեն արգելել

М. Шау. The Ottoman empire from 1720 to 1734. Urbana. 1944, p. 64.

28 Э. Бааш. История экономического развития Голландии в XVI—XVIII вв. М., 1949, с. 310.

29 Ա. Սարուխան. Հոլանդիան և հայերը. Վիեննա, 1926, էջ 37.

30 «Հառաջ», 28 սեպտեմբերի 1972.

31 Э. Бааш. Указ. соч., с. 244.

32 Русский посол в Стамбуле, с. 92.

33 М. С. Мейер. К характеристике экономической жизни городов Османской империи в XVII веке.—В кн.: Проблемы генезиса капитализма. М., 1978, с. 246.

լր հայ վաճառականների ապրանքների բեռնումը հուլանդական նավեր՝ պահանջելով բարձրացնել վճարը. «Մեր ֆլամիկի նավին ժ-ին կէս անք տվել, լուս ալլ տա մին մոշ կէս ըոպ աս ուզում»³⁴, — ըողոքում էին նրանք:

Ինքնագլուխ հյուպատոսի դեմ բողոքեցին նաև իրենք՝ տեղի հուլանդական պաղովի առևտրականները, նշելով, որ նրա գործողությունները սպառնալիքի տակ են դնում հույների, հրեաների և հայերի կողմից իրենց նավերը վարձելու դործը: Իսկապես, Զմյուռնիայի առևտրում խիստ ազդեցիկ այս երեք էթնիկական խմբերի կողմից հուլանդական նավերի վարձակալման ձախտողումը ծանր հարված կարող էր հասցնել հուլանդական նավատերերին: Այս ևր պատճառը, որ 1660 թ. վերոհիշյալ հյուպատոսը հանվեց իր պաշտոնից:

Մինչև XVIII դարի վերջը և դրանից հետո էլ զգալի թվով զմյուռնահայ վաճառականներ էին ընկնում Հուլանդիայում: Անստերդամում գործող այս մեծահարուստ վաճառականների հետ Սիմեոն և Ղուկաս կաթողիկոսները մշտապես կապ էին պահպանում, նրանց նախապես տեղյակ պահում ազդույին-կրոնական գործերում իրենց անելիքների մասին: Այսպես, 1775 թ. Զմյուռնիայի առաջնորդ Ղուկասին (ապագա կաթողիկոսը) Եսայի վարդապետով փոխարինելու իր որոշումը Սիմեոնը հայտնել էր Ամստերդամի վաճառականներին: Նույն կերպ, Ամստերդամի «հայազուն ժողովրդին» հատուկ կոնգրեսներ էր ուղարկում Ղուկաս կաթողիկոսը³⁵: XVIII դարի վերջին բառորդին Ամստերդամում առևտուր էին անում զմյուռնացի վաճառականներ Ա. Սալախյանը, Ա. Մասեհյանը, մեծահարուստ Մնացականը և ուրիշներ: Առաջին երկուսը 1781 թ. Ամստերդամից էջմիածին գնացակներ էին ուղարկել իրենց ծախքով³⁶: Վերոհիշյալ Ա. Սալախյանը՝ զմյուռնաբնակ վաճառական Մոսկով Զովհաննեսի եղբայրը, 2000 գուլդեն էր նվիրաբերել էջմիածնի թաղին, որի համար Ղուկաս կաթողիկոսը նրան օգնություն թույլ էր ուղարկել 1783 թ. մարտին³⁷:

Զմյուռնահայ վաճառականները Հուլանդիայից ներմուծում էին մահուդ, դործվածքներ, մետաղներ, իսկ Թուրքիայից արտահանում էին մետաքս, դյուղատնտեսական ապրանքներ: Այս առևտրի մեջ էին ընդգրկված նաև Ա. Սալախյանը, զուգույնները և այլն: Ամստերդամի հայ համայնքը գույատենց մինչև XIX դարի սկիզբը, երբ նապոլեոնյան պատերազմների հետևանքով ալիքապարս զրկվեց իր ինքնուրույն առևտրական նշանակությունից³⁸:

Զմյուռնիայում դործող հայ վաճառականության՝ տարանցիկ առևտրին մասնակցելու տնտեսական հիմքը Պարսկաստանի և Թուրքիայի գյուղատնտեսական հումքի արտադրությունն էր: 1639 թ. Կասրե Երևանի թուրք-պարսկական համաձայնագրից հետո տարանցիկ առևտրական ուղիներում սկսվեց հանդարտության շրջան: Այն դրականորեն ազդեց ինչպես ներքին՝ փոքրասիական, այնպես էլ Կ. Պոլսի, Տրապիզոնի, Հալեպի, Զմյուռնիայի և միջերկրածովյան առևտրական ուղիների աշխուժացման վրա: Սակայն էզելյանի շրջանում դրությունը պետք է բարդանար Կանդիայի պատերազմի պատճառով, որը բավական վնաս հասցրեց արտաքին առևտրին: Զմյուռնիա տանող քարավանային ուղիները դարձան անապահով, ուժեղացան հարստահարությունները: Զմյուռնահայերի «վերատեսուչ» (առաջնորդ) Կիրակոս Թալինցու՝ 1651 թ. գրած մի հիշատակարանում ուրվագծվում է այդ իրավիճակը. «Ի յայսմ անդորրութեան միջոցի որ ծովով և ցամաքով պա-

34 Ա. Սարգսյան. նշվ. աշխ., էջ 23:

35 Դիվան հայոց պատմության. դիրք Ը, Թիֆլիս, 1908, էջ 452—453. դիրք ԺԱ, Թիֆլիս, 1913, էջ 321:

36 Նույն տեղում, դիրք Դ, Թիֆլիս, 1899, էջ 451:

37 Դիվան հայոց պատմության, Ղուկաս Կարենցի. հ. Ա, էջ 352:

38 Ա. Սարգսյան. նշվ. աշխ., էջ 62:

տեալ, պաշարեալ ազգն իսմայելացոց ունելով սաստիկ պատերազմ ընդ ազգին լատինացոց որ և մեք ևս ունիմք նեղութիւն բազում եթէ ի հարկապահանջութենէ և ասպատակաւ որք ի հենից և աւագակարար զրկողէ ոչ թէ միաւն ի ճանապարհս որ վնաս են վաճառականաց, նաև մեր շրջողաց այլև ի քաղաքս և ի գիւղորայս բռնութեամբ վարին այլազգիք կողոպտելով, զըրկելով, հարկանելով, սպանանելով, զկին և զտղայս քարշելով և ոչ յումեքէ երկնշելով»³⁹:

Այսուհանդերձ, քարավանային ճանապարհը, անկախ իր խափանումներից, գործում էր, որի վկայությունը տալիս է Զաքարիա Ագուլեցու «Օրագրությունը»: Իր ճանապարհորդությունների ընթացքում Զաքարիան անցել է նշված քարավանային ուղիներով մինչև Զմյուռնիա և ապա Եվրոպա: Նա Ագուլիսից դուրս է եկել (առաջին անգամ) 1647 թ. մարտին՝ արձանագրելով. «Մին բեռն ապրիլիմով գնացի դերի Լզմիր»⁴⁰: Ագուլեցի այս վաճառականի ուղին ժամանակի բանուկ անցումային գծերից մեկն էր, որն ընդգրկում էր Ագուլիս—Նախիջևան—Երևան—Էրզրում—Թոքատ—Զմյուռնիա քարավանային ճանապարհը: Ագուլեցի վաճառականների այս ուղին էրզրումում սովորաբար միանում էր Նոր Զուղայի վաճառականների երթուղուն: «Ծն էլ,— հայտնում էր մի այլ վաճառական՝ խոջա Սաֆարը,— Սպահանա կարավանա հետ եկի Թարվէզ: Տեղէն՝ Արզրում, Թոխաթ, մինչև Իզմիր»⁴¹: Այս ուղին որոշ ընդհատումներով (պարսկա-թուրքական պատերազմների ժամանակ) բավական բանուկ էր նաև XVІІ դարում և հաճախ շրջանցում էր Բրուսա—Էնկյուրի գիծը: «Առանց էնկյուրիեն և Պրուսայեն անցնելու,— գրում էր Տավերնիեն,— Թոքատեն ուղղակի Իզմիր ջորիով քսանը և հինգ օր է, իսկ ուղտով՝ քառասուն օր»⁴²: Ուշագրավ է, որ Զաքարիան անցել է նաև վերջին Զմյուռնիա—Մանիսա—Բրուսա ցամաքային ճանապարհով, որը բանուկ էր դարձել դեռևս XIV—XV դդ.⁴³: Այս ուղիով էր իրականացվում նաև էգեյանի շրջանի բամբակի և բամբակագործական արտադրանքի արտահանումը Եվրոպա (Բերգամայից, Դենիզլիից և այլն) և որը հումքի արտահանման կարևոր ուղի դարձավ XVІІ դարում:

Բավական լայն շառավիղ ունի Զաքարիայի առաջին եվրոպական ուղևորությունը՝ վենետիկ—Ամստերդամ—Լիվոռնո—Զուստից—Կալիս—Մալիկա—Ալիկանտա—Լիվոռնո—Մեսինա—Զմյուռնիա երթուղով: Ակնհայտորեն նկատելի է, որ իր գործառնություններով նա ամենից առաջ առնչվում է իտալական և հոլանդական առևտրական կենտրոններին, որոնց հետ սերտ կապեր ունեւր նաև զմյուռնահայ վաճառականությունը XVІІ դարում:

Դեռևս առաջին ուղևորության ժամանակ Զաքարիան նշել է իր օրագրում. «Մեր աքուլաց շատ բազրկան կեր Իզմիր»⁴⁴: Հիրավի, դատելով ձեռագիր հիշատակարաններից, 1639 թ. հետո Զմյուռնիայում ստվարացել է Արևելյան Հայաստանից եկած վաճառականների թիվը, որոնց մեջ կային ջուղայեցիներ, դափանցիներ, ագուլեցիներ, դարաբաղցիներ և այլն: Մարտելի, Ամստերդամի, Լիվոռնոյի և այլ կենտրոնների հետ առևտուր անող այդ վաճառականները մի վավերագրում իրենց կոչում են «փարսինախայ» (պարսկահայ) հավաքական անվամբ⁴⁵:

Իրենց ազդեցությամբ ու հարստությամբ պարսկահայ վաճառականներից հետ չէին մնում Զմյուռնիայում դեռևս XVІ դարում և հետո հաստատ-

³⁹ Հայերեն ձեռագրերի հիշատակարաններ, Ժէ դար. (1641—1660 թթ.) (կաղմ. Վ. Հառատյան), հ. 9, Երևան, 1984, էջ 416—417:

⁴⁰ Զաքարիա Ագուլեցու օրագրությունը. Երևան, 1938, էջ 71—72:

⁴¹ Հ. Տեր-Հովհանյանց. Պատմություն Նոր Զուղայու. Զուղա, 1880, էջ 186:

⁴² Ա. Ալպոյաճյան. Նշվ. աշխ., էջ 1263:

⁴³ H. Inalcik, Op. cit., p. 124:

⁴⁴ Զաքարիա Ագուլեցու օրագրությունը, էջ 160:

⁴⁵ Ա. Սարգսյան. Նշվ. աշխ., էջ 20:

ված կեսարացի և եվդոկացի հայերը՝ Սրանց մի մասը, ինչպես և արևելահայ վաճառականները, դարձան տեղաբնակներ՝ Ջմյուռնիայում կառուցելով տներ, ձևեր բերելով ընդարձակ հողատարածություններ և այլն։ Ապրոյան նշանավոր գերդաստանից Մատթևոսի օրինակը, որը 1680-ական թթ. տուն էր կառուցել Ջմյուռնիայում, եզակի շէր։ Երթեկի հայ վաճառականների խմբերը, մինչդեռ, բնակվում էին նավահանգստին կից հյուրատանը (XVIII դար)։ Ա. Այվազյանը հիշատակում է «Ժողովրդային Տերմիշ օղլու խանը բնակող» կեսարացի և եվդոկացի հարուստ հայերին, որոնք 1743 թ. նվիրատվություններ էին արել Ջմյուռնիայի եկեղեցու վերակառուցման համար⁴⁰։ Կեսարացի էին էջիդյանները և Յուսուֆյանները. վերջիններս մի շառավիղը XVIII դարի սկզբին տեղափոխվել էր Ջմյուռնիա և փեսայացել Ապրոյաններին։ Մետաքսի փորրասիական առևտրում զբաղված վիրարնակ հայ առևտրականներին ևս հանգրվանում էին Ջմյուռնիայում՝ մշտական բնակություն հաստատելով այնտեղ։ Տփղիսից եկած վաճառական էր 1716 թ. Ջմյուռնիայում վախճանված Կուլիկենց Դավթի որդի Պապոն, որի տոհմի անդամները հետագայում օգտվում էին արտատարածական ստատուսից⁴¹։ Ջմյուռնացի հայերը ուղղակի կապ էին պահպանում Տփղիսի իրենց հայրենակից վաճառականների հետ։ 1776 թ. հունվարի 15-ի թվակիր մի վավերագրից պարզվում է, որ Տփղիս էր մեկնել զմյուռնարնակ վաճառական Ծսայի աղան՝ այնտեղ բնակվող Թադայի որդի Մկրտումի հետ իր առևտրական վեճը կարգավորելու համար⁴²։ Առհասարակ Ջմյուռնիայում հաստատված վաճառականները բավական հետքեր են թողել իրենց ներկայության մասին. 1644 թ. կեսարացի խոջա Մուրատը Ռիհանշայի հետ միասին ճաշոց է նվիրել Ջմյուռնիայի հայ եկեղեցուն⁴³, իսկ նույն եկեղեցու մի ձեռագրի հիշատակարանում (1662) հիշվում են կազմել տվող բարեգործները՝ վանեցի խոջա Ռուհիջանը և նրա հայր խոջա Ախիջանը⁴⁴։ Մանիսայում գործում էին XVII դարի վերջին եկած դավանցի վաճառականներ, ինչպես երևում է Մանիսայի եկեղեցուն բուլջերթի խոջաներից անցած մի ավետարանի հիշատակարանից⁴⁵։ Եկվոր այս վաճառականների մի կայուն խմբի համար Ջմյուռնիան միանվագ գործառնության կենտրոնից վերածվում է շարունակական գործունեության աստղարկի։ Ժամանակի ընթացքում այս վաճառականները կամ տեղաբնակ էին դառնում և կամ այնպես էին սերտաճում զմյուռնահայ համայնքի կյանքին, որ նկատելի ազդեցություն էին թողնում նրա ազգային-հասարակական իրականության վրա։

XVII դարում, սակայն, դժայի էր տեղաբնակ և եկվոր վաճառականների տարբերությունը սոսկաբի իրավական հարաբերությունների բնագավառում։ Այսպես, զմյուռնացի վաճառականներ «Ohro և Ferpius George» դիմել էին Մարսելի իշխանություններին՝ առևտրական այնպիսի արտոնություններ ստանալու, ինչպիսիք ունեին պարսկահայ վաճառականները⁴⁶։ Պետք է կարծել, որ գիմումը բավարարվել է, քանի որ ֆրանսիական կառավարությունը մինչև 1634 թ. խրախուսում էր պարսկական հումքի ներմուծումը և բարենպաստ պայմաններ էր ստեղծում տարանցիկ առևտրի համար, որը նպաստում էր իր թևեր արդյունաբերության դարգացմանը։ Նշված տարին միայն կառավարությունը շոշափելի սահմանափակումներ մտցրեց լեվանտից բերվող

40 Ա. Այվազյան. Շար հայ կենսագրությանց. Կ. Պոլիս, 1893, էջ 129։

41 Հ. Քոսյան. Հայր ի Ջմյուռնիա. Վիեննա, 1899, հ. Ա., էջ 87։

42 Ջաօտթոօ ժամանդուր ժեցեց՝ Ե. V, ԹԺ., 1974, 83, 15—16. Վավերագիրը արամազերել է պատմաբան Վ. Մ. Մարտիրոսյանը, որի համար հայտնում են մեր խորին շնորհակալությունը։

43 Մուշտոցի անվան Մատենադարան (ՄՄ), ձև. Ձ 6332, էջ 215—216։

44 Նույն տեղում, էջ 233։

45 «Արևելյան մամուլ», 1897, Ձ 10, էջ 354։

46 Ա. Սարգսյան. Նշվ. աշխ., էջ 43։

մետաքսի առևտրի մեջ: Մարսելում մեկ հակ մետաքսի դիմաց գանձվող մաքսը 16-ից հասավ 112 ֆրանկի, որը ֆրանսիական շուկայում ձեռնարկի արեց հայ վաճառականներին. մի որոշ ժամանակ նրանք ստիպված էին հրաժարվել Մարսելից և անմիջական կապեր հաստատել Հոլանդիայի և Անգլիայի հետ⁵³:

Պետք է նկատել, որ ֆրանսիացի առևտրականները դրանից առաջ պայքարել էին երկրի ներսը թափանցող ապրանքների դեմ և կառավարությունից պահանջել էին իրավական համապատասխան միջոցառումներ: 1632 թ. Մարսելի առևտրականները դիմել էին Լյուդովիկոս XIV-ին՝ հովանավորելու իրենց և խիստ միջոցներ ձեռնարկելու մաքսերից խուսափող և էժան գնով մետաքս վաճառող հայերի դեմ⁵⁴: Այնքան է, որ լեվանտի հետ կապված ֆրանսիական առևտրականները ի դեմս հայերի տեսնում էին իրենց լուրջ մրցակիցներին: Գործում էր նաև ֆրանսիական կառավարության կողմից կիրառվող՝ երկրից ոսկին և արծաթը չհանելու և այդպիսիք ըստ հնարավորին դրսից բերելու մերկանտիլիստական քաղաքականությունը, իսկ հայ վաճառականների գործունեությունը գերազանցապես սահմանափակվում էր մետաքսի առևտրի շրջանակներում:

Ֆրանսիական կառավարությունը անսաց տեղական առևտրականներին բողոքներին. հայերից գանձվող մաքսը շեշտակիորեն բարձրացվեց, որից հետո նրանք թողեցին Մարսելը: Առևտրի այսպիսի սահմանափակումը, որ ուղղված էր ոչ միայն հայ վաճառականների դեմ, բացասական հետևանքներ պետք է թողներ Մարսելի առևտրական հաշվեկշռի վրա: 1630—1680 թթ. այդ նավահանգստի 30 միլիոն լիվրի առևտուրը նվազեց հասավ 4 միլիոնի, իսկ տարեկան 1000 նավերի մուտքը՝ 30-ի: Հետագայում, այդ վիճակը փոխելու ուղղությամբ Կոլբերի ձեռնարկած միջոցառումների շնորհիվ հովանավորվեց նաև մետաքսի առևտուրը լեվանտի հետ, որի ուժով հայ վաճառականները Կոլբերն ընդլայնեց մտնական դ մանուֆակտուրային արտադրանքի արտահանումը Թուրքիա՝ այնտեղից ներմուծվող ապրանքների խմբին հակադրելով մի շարք սպառողական գաղութային ապրանքներ (սուրճ, շաքար, ինդիգո և այլն)⁵⁵:

Սարուսանի հիշատակած վաճառական Օրրոն պետք է որ Ապրոյան գերդաստանից լիներ, թերևս, ինքը՝ Աբրահամ (Ապրո) Ապրոյանը, որը թեև 1660-ական թթ. Բելգրադից տեղափոխվել էր Կ. Պոլիս, սակայն դրանից շատ առաջ գործառնություններ ուներ Ջմյուռնիայում⁵⁶: Ապրոյի որդի Մատթեոսը հոր մահից (1676) առաջ գտնվում էր Ջմյուռնիայում⁵⁸, անշուշտ, առևտրական գործերի բերումով: 1688 թ. երկրաշարժը այստեղ կործանեց նրա կա-

53 Ա. Գ. Հոլհայնսիսլան. Դրվագներ հայ ազատագրական մտքի պատմության. դիրք Բ, Երևան, 1959, է 183:

54 ՄՄ, Անհատական արխիվների ֆոնդ, թղթ. 240, 2, վավ. 6:

55 Նույն տեղում, վավ. 7:

56 J. Porter. Turkey. Vol. 1, London, 1854, p. 12.

57 Արք. Ապրոյանի Կանդիայի պատերազմի ժամանակ օսմանյան կայսերական ռազմական օգնական էր. դրամական մեծ կարողության տեր այդ վաճառականը ֆինանսավորում էր օսմանյան վերնախավին: 1673 թ. նոյեմբերի 29-ին նա ստացել է Կրետեի դեֆտերդար Ահմեդին տված իր պարտքը՝ 4700 ասլան դուրուշ (Հ. Բարթիկյան. Նյութեր զաղութահայ պատմության. — «Լրաբեր հասարակական դիտությունների», 1937, № 10, էջ 80): Ըստ Վ. Զարդարյանի, նա Կրետեում «եկեղեցի մը կառնե հայոց համար» (Վ. Զարդարյան. Հիշատակարան. Կահիրե, 1941, էջ 5): Ապրոյանի բարեգործության մասին է վկայում նաև Ջմյուռնիայում անդիական դեպպան Ռիկոտը (P. Rychaut. The history of the Turkish empire. London, MDCLXXX, p. 280).

58 Ն. Ա. Կիսյան. Երեմիա Չելեպի Քյոմյուրճյան. Վիեննա, 1933, էջ 246—250:

ոուցած տունը, զոհվեցին նրա մայրն ու որդիները, որ պատկերված է իր Մատթեոսի հորինած «պատմական ոտանավորում»⁵⁹,

Մատթեոսի գործունեության շրջանում էր, որ Ֆրանսիական կառավարությունը նշանակալի արտոնություններ ընձեռեց հայ առևտրականներին՝ երկրի նավահանգիստներում արևելյան առևտուրը աշխուժացնելու համար։ «Եւ ինքն դարձեալ,— դրում է Մատթեոսի մասին Ն. Ակինյանը,— մեծանուն վաճառականութեամբ և իշխանաւոր պատուով ընդունի ի Լուդովիկոս ԺԴ արքայէ զագղիացոց թուղթ ազնուութեան և հովանաւորութեան 1687, որում ժամանակսլ ելր հասարակաց կենաց մարդկան՝ հանգչի ի Քրիստոս թաղեալ ի մէջ սուրբ Ստեփաննոս եկեղեցոյ Ձմիւռնոյս»⁶⁰։

Լեւանտում Ֆրանսիական առևտրի աշխուժացման մասին է վկայում այն փաստը, որ XVII դարի երկրորդ կեսին Ձմյուռնիայի Ֆրանսիական հյուպատոսն ուներ երկու փոխհյուպատոսներ, որոնցից մեկը գտնվում էր Գուլա-Ատայում (Սկալանովա)⁶¹։ XVI—XVIII դդ. Թուրքիայի նավահանգստային քաղաքներում, այդ թվում և Ձմյուռնիայում Բ. դռան և եվրոպական պետությունների արտաքին բաղաբական հարաբերությունները մի հայտնի չափով նույնանում էին արտաքին առևտրական հարաբերությունների հետ, ուստի և դիվանագիտական ներկայացուցչությունը հանդես էր գալիս որպես նաև առևտրական ներկայացուցչություն։

XVIII դարի երկրորդ կեսին զգալիորեն ծավալվեցին զմյուռնահայերի կապերը Տրիեստի հետ։ Դրանից անմիջապես առաջ եվրոպական առևտրական մագիստրատների փոփոխությունները, լեվանտի առևտրում եվրոպական տնտեսությունների բացարձակ գերիշխանությունը, ինչպես և Թուրքիայից արտասահմանյան շուկաները զուտ հումք արտահանելու իրողությունները զգալիորեն ազդեցին ընդհանրապես հայ առևտրականների գործունեության վրա։ Ձմյուռնիայի և եվրոպական քաղաքների միջև երթևեկող ոչ քիչ թվով վաճառականներ, Թուրքիայի տրանզիտային դերի սահմանափակման հետ կապված, թողեցին եվրոպական ընկալունակները և հաստատվեցին Ձմյուռնիայում։ Սուրսը նշում էր, որ այս ժամանակ զաղթօջախ են վերադարձել Վենետիկում, Ավստրիայում, Հոլանդիայում և այլ վայրերում բնակվող հայ վաճառականները, ընդամենը ցույց տալով քաղաքի հայ ընկերության թիվը՝ 12.000 մարդ⁶²։ Նկատելի էր նաև հայ վաճառականության տեղաշարժը եվրոպական մի երկրից մյուսը։ 1769 թ. սեպտեմբերի 12-ին քահանա Հովհաննեսը հայտնում էր Վենետիկի Մխիթարյանների արքահայր Ստեփաննոսին, որ ավտորիտական կայսրուհի Մարիա-Թերեզան արտոնություններ է տալիս հայերին՝ բնակվելու Տրիեստում. «Կայսերուհին ազատ կսուցոյց զբաղաքն Դրիեստէին վուսն բազմամարդ առնելոյ զնա, այսպէս առ ալս վախճան խորհեցաւ հաստատել ի Դրիեստէ և զհայ քահանայ մի, զի գուցէ ևթէ իցեն յազգէն հայոց որք կամիցին դալ և բնակիչ լինիլ ի Դրիեստէ մասն պակասութեան բահանային մի արդելցին ի գալոյս»⁶³։

Տրիեստում բնակություն հաստատած զմյուռնահայ վաճառականները այնտեղ գործել են բավական երկար ժամանակ, մինչև XIX դարի կեսը և հետո՝ Տրիեստի մի «ծանուցմունք պսակաց» մատյանում (1798—1808) հիշվում է խաթուն Մարիամ Ռոդան, «դուստր իզմիրցի պարոն Յովհաննիսի Պետրոսի Զարարեան», որը 1806 թ. ամուսնացել էր մի վերոնացի իտալացու

⁵⁹ ՄՄ, ձեռ. № 4515, էջ 560—563։

⁶⁰ Ն. Ակինյան. Նշվ. աշխ., էջ 252—253։ Ապրոյան զերդաստանի աղդարանությունը դրել է Ձմյուռնիայի առաջնորդ Մեսրոպ արքեպիսկոպոսը՝ հասցենելով մինչև 1804 թ. (նույն տեղում, էջ 237)։

⁶¹ The six voyages of John Baptista Tavernier. London, 1678, p. 33.

⁶² Հ. Քոսյան. Նշվ. աշխ., հ. Ա, էջ 33։

⁶³ Ղ. Տալան. Մայր դիվան Մխիթարյանց ի Վենետիկ ի ս. Ղազար, Վենետիկ, 1930, էջ 261։

հետ: 1807 թ., դարձյալ իտալացու հետ, ամուսնացել էր զմյուռնացի Կառապետ Աստվածատրյանի դուստր խաթուն Բրիջիտան⁶⁴:

Բոլորովին քիչ են ուսումնասիրված զմյուռնահայ վաճառականների հարաբերությունները Ռուսաստանի հետ: Զմյուռնիայի վրայով առևտուր անող հայ վաճառականները Ռուսաստան էին մտնում ոչ միայն կասպիական-վոլգյան ուղիով, այլև Հոլանդիայով մտնելով Հյուսիսային ծովային ուղի և այնտեղից ափ իջնելով Արխանգելսկում: Այսպես, XVII դարում վաճառական խոջա Սաֆարը Սպահանով անցել էր Թավրիզ, ապա էրզրումի և Թոքատի վրայով՝ Զմյուռնիա: Այնուհետև, նա անցել է Ամստերդամ, այնտեղից ապրանք առնելու և Մոսկվա տանելու համար⁶⁵: Պետք է նշել, որ Պարսկաստանի վրայով անցնող ճանապարհը XVII—XVIII դդ. առավել քիչ էր մատչելի զմյուռնահայ վաճառականների համար, քան Հոլանդիայով և Շվեդիայով տանող ուղիներ: Զմյուռնահայ վաճառականները շարունակում էին կապված մնալ դեպի արևմուտք տանող փոքրասիական ճանապարհներին, ինչպես իրենց հայրենակիցների մեծամասնությունը⁶⁶:

Պետրոս Մեծի ժամանակ ռուսական կառավարությունը ջանքեր էր գործադրում ընդդիմանալու լեվանտական առևտուրը ամրապնդելու, ինչպես և Հնդկական օվկիանոսի առևտրական ուղիները ընդարձակելու եվրոպական երկրների քաղաքականությունը՝ ելնելով ռուսական առևտրի շահերից: 1715 թ. Պարսկաստանում ռուսական դեսպան Ա. Վոլինսկուն տված հրահանգներում Պետրոսը ցանկալի էր համարում դիվանագիտական խոչընդոտներ հարուցելը Զմյուռնիայի և Հալեպի առևտրական ուղիների դեմ: Ցարի կարծիքով դա նոր հնարավորություններ էր բանալու կասպիական—մերձվոլգյան առևտրի հետագա զարգացման համար⁶⁷: Ռուսական առևտրի մեջ հայերին ընդգրկելու ուղեգծի հետ են կապվում առևտրական այն արտոնությունները, որ տվել էր Պետրոսը զմյուռնահայ վաճառականներ Ապրոյան եղբայրներին (1717 թ. հունվարի 18-ին)⁶⁸: Այդ հրովարտակով Ապրոն, Աբրահամը և Ստեփանը օժտվում էին կայսրության մեջ «ամենուրեք ազատ և առանց խոչընդոտի» առևտուր անելու իրավունքով, որպիսին դրանից առաջ շնորհվել էր ջուղայահայ վաճառականներին:

Հայտնի չէ՝ Ապրոյանները արդյո՞ք օգտվել են ռուսական առևտրական մագիստրալներից: Փաստն այն է, սակայն, որ թուրքական կառավարությունը հազիվ թե խրախուսեր նրանց մասնակցությունը ռուսական առևտրին: Իր հերթին Պետրոսը հետաձգեց պարսկական մետաքսի առևտրի մերձեցման քաղաքականությունը՝ այն փոխադրելով մերձկասպյան նահանգները գրավելու պլանով: Ի լրումն սրա, 1719 թ. նա շեղյալ հայտարարեց հայ վաճառականներին տրված բոլոր արտոնությունները⁶⁹: Երկու տարի անց, Պետրոսը դարձյալ պետք է կարևորություն տար առևտրական գործունին. 1721 թ. փետրվարի 27-ին Կ. Պոլսում ռուսական ռեզիդենտ Կ. Նեպլյունին նա կարգադրում էր Զմյուռնիայի, Հալեպի, Ալեքսանդրիայի և Դանուբի առևտրական ուղիներին լավատեղյակ վաճառականներին համոզել Ռուսաստանի միջով պարսկական մետաքսը Եվրոպա անցկացնելու հրավարության մեջ⁷⁰: 1723 թ. հուլիսին և սեպտեմբերին Պետրոսը վերականգնեց հայ վաճառականների արտոնությունները Ռուսաստանում, սա-

⁶⁴ Ցուցակ հայերեն ձեռագրաց Մխիթարեան մատենադարանին ի Վիեննա, հ. 9, Վիեննա, 1983, էջ 537:

⁶⁵ Լ. Ե. Զայակյան տպագրություն. հ. 1, Թիֆլիս, 1901, էջ 83:

⁶⁶ Армяно-русские отношения в первой трети XVIII века. Сб. документов (под ред. А. Г. Иоаннисяна). Т. II, ч. I, Ереван, 1964, с. IX—X.

⁶⁷ Նույն տեղում, էջ 93:

⁶⁸ Նույն տեղում, էջ 105—107:

⁶⁹ Նույն տեղում, էջ 169—172:

⁷⁰ Նույն տեղում, էջ 172—173:

կայն թուրքիայի, այդ թվում և Ջմյուռնիայի հայ վաճառականները, որոնք այդ պետության տնտեսական ու բաղադրական շահախնդրությունների ուժով շարունակում էին կապված մնալ փոքրասիական ավանդական ուղիներին. այդպես էլ որևէ նշանակալի մասնակցություն չբերեցին ռուսական առևտրական հրապարակին։ Քիչ անց, պարսկական առևտրական ուղիներն արդեն ապահովության հույսեր չէին ներշնչում հայ վաճառականներին՝ թուրք-պարսկական պատերազմների, Պարսկաստանի ներքին անկայունության և միջֆեոդալական բախումների պատճառով։ 1730-ական թթ. Նադիր շահը արդեն մետաքսի արտահանումը Թուրքիա, որը փաստորեն քայքայեց փոքրասիական ապրանքափոխանակության դործրնթացը։ Դրան հակադրվելով՝ սուլթան Մահմուդն իր հերթին դիմեց համապատասխան գործողությունների։ Սիմևոն կաթողիկոսը նշում էր, որ հրապարակվել է «սուլթան Մահմուտի ֆարման վասն արևելքի վաճառականացն, որք ի յերկիրն օսմանցուց զի մի պահանջեսցեն զհարկ ինչ ի նոցանէ ՌՃՄԱ թուին տաճկաց»⁷¹։ Ինչնրև է, որ պարսկական խափանող գործողություններին սուլթանը պատասխանում էր անմաքս առևտրի առավելությամբ։ Այս հակամարտությունը հասցրեց նրան, որ 1740—1750-ական թթ. Պարսկաստանում աննախընթաց չափերով նվազեց մետաքսի առևտուրը։ Այստեղ գործառուղ վաճառականները տեղափոխվեցին Ռուսաստան, Եվրոպա, Թուրքիա, Հնդկաստան և այլուր։ Ջմյուռնիան և Հալեպը դրա հետևանքով կորցրեցին մետաքսի շահութաբեր առևտուրը։ Աստիճանաբար մարեց XVIII դարի երկրորդ կեսին դեռևս գործող Սպահան—Բաքիդ—Կարին—Թոքատ—Ջմյուռնիա ուղին⁷²։

Մետաքսի առևտրի ամրացող ասպարեղից հետոցող հայ վաճառականների մի մասը տեղափոխվեց Ջմյուռնիա կամ նրան կից շրջաններ և այս դործրնթացը շարունակվել է հետագա տասնամյակներին։ Այս մասին ուշագրավ տեղեկություններ է տալիս Տ. Սավալանյանը. «Եվ որովհետև Իզմիրի հայերը — գրում է նա, — առևարական և բնտանական հարաբերություններ ունեին Ամստերդամի աղդայնոց հետ և ամենքն այդ զրեթև Պարսկաստանին գաղթած, այս պատճառներով Եսայես որդիքն (Տ. Սավալանյանի պատյր և նրա եղբայրները—Ա. և.) չուղևորվ իրենց բնակավայրն՝ Աշտարիան դառնալ։ Կորոշեն զայ բնակություն հաստատել Իզմիր (1770), որ, ինչպես հալոնի է, այն ժամանակ ևս Թուրքիո ամենեն ծաղկալի և վաճառաշահ բաղարն էր»⁷³։

Ի դեպ, այս տոհմից, դարձյալ Հովհաննես անվամբ մեկը, էգեյանի շրջան էր եկել շատ ավելի վաղ, XVIII դարի առաջին տասնամյակներից ու ուշ և բնակություն հաստատել էյզեմիշին կից Պիրկի ավանում, որտեղ էլ վախճանվել է 1716 թ.⁷⁴ 1743 թ. Ջմյուռնիայում արդեն զգալի թիվ էին կազմում Պարսկաստանից տեղափոխված և բնդհանրապես եկվոր վաճառականները։ Ս. Սաևփանոն եկեղեցու նորոգման արձանագրության մեջ նշում է, որ նորոգումը կատարվել է «արդեամբք և արօթ առհասարակ ժողովրդոց լուսավորչածնից տեղացուց և վաճառականաց եկաց և բնակաց»⁷⁵։

XVII—XVIII դդ. պեսր է տաանձնացնել զմյուռնահայ վաճառականների գործունեության մի կարևոր բնագավառը՝ ականավաճառությունը։ Ոմն ջուղայեցի Սարգիս XVII դարի առաջին քառորդին կամ դրանից քիչ անց վաճառական խոջա Ավետիքի հետ Հալեպից անցել է Ջմյուռնիա և հաստատվել այնտեղ, իրրև ականեղենի վաճառական⁷⁶։ Դա այն Սարգիսն է, որը Այ-

⁷¹ Սիմևոն կաթողիկոս. Ջամրո դիրք. Վաղարշապատ, 1873, էջ 245։

⁷² Հ. Քյուրտյան նշվ. աշխ., էջ 66։

⁷³ Տ. Տ. Սավալանյան. Կենսագրական հուշեր. Կահիրե, 1900, էջ 8։

⁷⁴ Նույն տեղում, էջ 10։

⁷⁵ Հ. Քյուրտյան. նշվ. աշխ., հ. Ա, էջ 56։

⁷⁶ Ա. Սյուրմեյան. Պատմություն Հալեպի քահանայից.— ժրգովակա, 1939, № 1—2, էջ 15։

տոնում 1635 թ. ձեռնադրվել է քահանա՝ Տրդատ եպիսկոպոսի կողմից, ինչպես պարզվում է մի բժշկարանում նույն Սարգսի գրած հիշատակարանից⁷⁷, Զմյուռնիան ակնհղենի նշանավոր կենտրոն էր. Լյուդովիկոս XIV-ի բժիշկ Պ. Լուկան, որ XVII դարի սկզբին այցելել էր Զմյուռնիա, հայտնում է, որ Կյուզել Հիսարում (Այտրն) «հայերը մեծ վաճառականություն կրեն մետաքսի և մանածի» և որ դրա հետ միասին «պեղեսթենին (շուկա—Ա. Խ.) մեջ ալթանկազին քարերու և այլ արժեքավոր առարկաներու տուրևառ կրլլա»⁷⁸:

XVII—XVIII դդ. զմյուռնահայ վաճառականները հրեա և հույն վաճառականության հետ միասին տիրապետող դիրք ունեին Այտրնի, Ալաշհէրի, Մանիսայի և էգեյանի առափնյա շրջաններում, բավարարելով նաև տեղական սպառողի պահանջարկը: Օսմանյան և հպատակ ազգերի վերնախավերը հիմնականում սպառում էին եվրոպական գործվածքներ և կտավ, մինչդեռ ստորին խավերի մեջ լայն պահանջարկ ունեին առավել ցածրորակ և էժան տեղական բամբակե և բրդե գործվածքները: Զմյուռնահայ վաճառականներ էփրզյանների մասին Թ. Ճերմակյանը գրում է, որ նրանք մասնակցել են եվրոպական կտավի ներմուծմանը, սակայն աչքաթող չեն արել նաև շքավոր սպառողին, «որը կգոհանար տեղական բամբակ կտավներով, որոնց այժմ Սեֆեդի կղզի պեղ կամ բամպուք պեղի անունը կտրվի»⁷⁹: Հիրավի, քննարկվող ժամանակաշրջանում առևտրական հայեր էին հաստատվել Դենիզլիում, Նազիլիում, Մանիսայում, Գասապայում, Գրգաղաձում և այլուր, որոնք զբաղվում էին քաղաքներին և մյուս բնակավայրերին կից ավաններում մշակվող գյուղատնտեսական ապրանքների (խաղող, ցորեն, գարի, բամբակ, թուզ, սեխ, այլ բանջարանոցային կուլտուրաներ) վաճառքով: Պետք է նկատել, որ Զմյուռնիային կից գավառական քաղաքների առևտրական հրապարակը գրեթե ամբողջովին ենթարկված էր Զմյուռնիայի շուկային, այնպես որ նշված վայրերում առևտրի ինքնուրույնության մասին կարելի է խոսել զուտ պայմանականորեն: Տուրնթորը նկատում էր, որ Գուշատայում առևտուրը քիչ է զարգացած, քանի որ Զմյուռնիայի առևտրական հրապարակը ընդգրկում էր նաև տեղական առևտուրը⁸⁰: Դրանից շուրջ մեկ դար առաջ, 1614 թ. անգլիացի ճանապարհորդը նշում էր, որ Զմյուռնիայի տեղական շրջանների գյուղացիները օտարերկրացիներին էին վաճառում բամբակ, բուրդ, գինի՝ իրենց արտադրած արդյունքները⁸¹: Ասվածը թույլ է տալիս նկատելու, որ Զմյուռնիայի մերձակայքի գյուղատնտեսական շրջանները ընդգրկված էին արտաքին առևտրի մեջ, որին գործոն մասնակցություն էին բերում նաև հայ առևտրականները: Սրանք գործում էին Զմյուռնիա—Մանիսա—Բերգամա կամ Զմյուռնիայից հարավ ձգվող առափնյա միջանցիկ ուղիներով՝ Այտրնի ուղղությամբ:

Էգեյանի առափնյա տարածքների և ընդհանրապես փոքրասիական շրջանների գյուղատնտեսական արդյունքներն էին, որ առաջնակարգ նշանակություն պետք է ստանային զմյուռնահայ վաճառականների գործառնություններում՝ XVII դարի երկրորդ կեսին պարսկական մետաքսի առևտրի անկումից հետո: Ընդլայնվեց, մասնավորապես, բամբակի առևտուրը: Զմյուռնիայի առևտրականությունը, գրում է Ինճիճյանը, — «Ամեն տարի 40 հազար բոն (պալեա) բամպակ Ֆլենկիստան կիսրկեր, 20 հազար բոն ալ բամպակ մանած կիսրկեր: Սա բոնները քովի գեղերեն Իզմիր բերելու, Իզմիրեն ալ ծովեզերքը տանիլու միջին ճամբու խարճ՝ 1786 որ տարին որ մենք Իզմիր գտնվեցանք, շաբաթ կրլլար, որ 300—500 քեսե կխարճեն վա-

⁷⁷ Հայերեն ձեռագրերի Ժէ դարի հիշատակարաններ (1621—1640 թթ.), կազմ. Վ. Հափթյան, Ա. Հովհաննիսյան. հ. Բ, Երևան, 1975, էջ 596:

⁷⁸ «Բյուզանդիոն», 24 դեկտեմբերի 1909:

⁷⁹ «Արշալույս», 1 մայիսի 1908:

⁸⁰ J. P. Tournefort. Voyage d'un botaniste. II, Paris, 1982, p. 328.

⁸¹ Hakluytus Posthumus or Purchas his pilgrimes. Glasgow, 1905, p. 475.

առականները, բայց այսչափ բամպկին դեմ Ֆրենկիստան իր ձեռագործները բերել են զատ՝ նավերով նաղող ըստակ ալ կիսրկեր վճարելու համար⁸²։ Թուրքիան տնտեսապես ավելի մեծ չափերով կախման մեջ ընկավ Եվրոպական տերություններից։ Երկրի հումքը դուրս էր հորդում արտասահման՝ պահանջարկ չգտնելով տեղական անգարգացած արտադրության կողմից։ Տեղական տնայնագործական արտադրությունը զուրկ էր մնում պետական խրախուսանքից։ Իսկ եվրոպական անհամեմատ էժան և որակյալ ապրանքները այդ արտադրությունը դամում էին իր ավանդական մակարդակին։ XVIII դարում, ինչպես և նախորդ դարերում, Թուրքիայում առևտուրը շարունակում էր իր մեկուսի գոյությունը արտադրությունից։ Բամբակի մշակության էգեյանի վայրերը՝ Մանիսա, Ռեզամա, Այտրն, Թիրե, Դենիզլի և այլն, դարձան բամբակի արտահանության կենտրոններ 1740 թ. ֆրանսիական առևտրականներին տրվեցին նոր արտոնություններ, սահմանվեց մաքսի ցածր չափ՝ 3 տոկոս, այն դեպքում, երբ Թուրքիայի առևտրականները վճարում էին 10 տոկոսի չափով։ Նույնաման իրավունքներ ստացան Անգլիան և Հոլանդիան⁸³։ Հալեպի ե Կ. Պոլսի հետ մեկտեղ անգլիացիները առևտրական ֆակտորիաներ հիմնեցին նաև Ձվյուռնիայում՝ համախմբելով անգլիացի գործարարներին⁸⁴։ Ձվյուռնահայ առևտրական կապիտալը մեծ դժվարությամբ էր դիմանում այսպիսի կազմակերպված մրցակցությանը։ Բամբակի հետ միասին նրանց ապրանքացանկում նկատելի տեղ գրավեցին շոր մրգերը, խաղողը, թուղը, չամիչը, դինին, նարինջը, ձիթապտուղը և այլն։ Այս և մանավանդ բարձրորակ ծխախոտի արտահանման բնագավառում կարևոր դեր ունեին Ձվյուռնիայի հույն վաճառականները, և առհասարակ, Ձվյուռնիան և էգեյանի շրջակայքը մի հայտնի չափով կրում էին հունական առևտրական բուրժուազիայի անսուսուկան ազդեցությունը⁸⁵։

Այս ժամանակաշրջանում հայ վաճառականները Եվրոպայից ներմուծում էին կերպասի բազմազան տեսակներ, հախճապակե իրեր, հագուստ և այլն⁸⁶։ Սակայն միայն բամբակադործության զարգացումն էր, որ առևտուրը խթանելուց դատ, նպաստում էր տեղական ապրանքադրամական հարաբերությունների աշխուժացմանը։ 1740-ական թթ. դարգացում էր ստացել նաև զորգերի տնայնագործական արտադրությունն ու առևտուրը։ Ա. Ի. Ննպլյուեր արձանագրում էր Ձվյուռնիայում ուղորթելի զորգերի բարձր որակը⁸⁷։ Տեղական արտադրության զարգացման միտումների մասին է վկայում 1790 թ. Ձվյուռնիայում բառիստի գործարանի հիմնադրումը հայ վաճառականների կողմից⁸⁸։ Ի տարբերություն Կ. Պոլսի, Ադրիանուպոլսի, Սալոնիկի և այլ քաղաքների մանուֆակտուրաների, որոնք կենտրոնացվում էին պետական վերահսկողության, Ձվյուռնացի վաճառականների այս առևտրաարտադրական ձեռնարկումը, թեկուզ և աննշմար չափերով, ներկայացնում էր առևտրի անցումը դեպի արտադրություն, որ բացառիկ երևույթ էր ժամանակի Թուրքիայի տնտեսական կյանքում։

Այսպիսով, XVII—XVIII դդ. Ձվյուռնահայ առևտրական բուրժուազիան և ընդհանրապես ուղղ նավահանգստում գործառուղ հայ վաճառականությունը խոշոր ներդրում ունեցավ արևելքի և արևմուտքի առևտրում։ Եվրոպայի, ինչպես և Թուրքիայի տնտեսական տեղաշարժերի տեսակետից հայ վաճառականությունը հույն և հրեա վաճառականության հետ միասին կատարել է

⁸² Ղ. Ինճիճյան. Դարապատում, 1750—1757, Վենետիկ, 1824, էջ 232։

⁸³ А. Д. Новичев. История Турции. Т. I, ч. I, Л., 1963, с. 212.

⁸⁴ I. Hanway. An historical account of the British trade over the Caspian sea, Vol. I, Dublin, 1740, p. 386.

⁸⁵ М. Housepian. The destruction of a city. London, 1972, p. 29—30.

⁸⁶ Հ. Քոսյան. Եղի. աշխ., հ. Ա, էջ 32։

⁸⁷ Б. М. Ланцет. Указ, соч., с. 79.

⁸⁸ Դիման հայոց պատմության, գիրք Դ, Թիֆլիս, 1899, էջ 572—573, 575։

առաջադեմական լուրջ դեր՝ ռավարարելով հումքի նկատմամբ եվրոպական արտադրության պահանջարկը և ըստ հնարավորին խթանելով գյուղատնտեսական արտադրության զարգացումը Թուրքիայում: Ջմյուռնիայում գործառնել են ոչ միայն տեղաբնակ, այլև եվրոպայում, Մերձավոր ու Միջին Արևելքի երկրներում և այլուր գործող հայ վաճառականները: Այս առումով Ջմյուռնահայ վաճառականություն հասկացությունը ստանում է շատ ավելի լայն իմաստ՝ սերտաճելով առհասարակ Ջմյուռնիայում տեղականորեն գործող հայ վաճառականության հետ: Կարծում ենք, որ հայ առևտրականության այս խոշոր տարանցիկ հանգրվանի միջազգային բազմաթիվ կապերով, ինչպես և ընաշխարհի հետ ունեցած անմիջական առնչություններով է բացատրվում Ջմյուռնահայ գաղթաբնակի հույժ կարևոր դերը հայ մշակույթի դարգացման մեջ: Չնայած իր բնակչության համեմատաբար փոքր քանակին (XVII—XVIII դդ. Ջմյուռնիայում սամենաբարձր ցուցանիշը եղել է 12 000 մարդ), գաղթաբնակը XVII—XIX դդ. և ընդհուպ մինչև իր գոյության ողբերգական վախճանը (1922) ծանրակշիռ ներդրում արեց ազգային հոգևոր արժեքների զարգացման գործում:

АРМЯНСКОЕ КУПЕЧЕСТВО СМЕРНЫ В МЕЖДУНАРОДНОЙ ТОРГОВЛЕ (XVII—XVIII вв.)

Доктор ист. наук А. А. ХАРАТЯН

Резюме

Обосновавшись в малоазийских портах, в том числе и в Смирне, армянское купечество было вовлечено в торговлю Леванта еще с XIII в. Армянские купцы достигали района Эгейского моря из самых различных частей Армении, Персии и Турции, перевоза сырье и товары кустарного производства. С формированием армянской колонии в Смирне (последняя четверть XIV в.), этот порт становится важным центром транзитной торговли не только для местных, но и приезжих армянских купцов. В XVII—XVIII вв. они вели через Смирну живую торговлю с Венецией, Ливорно, Амстердамом, Марселем, Триестом и другими европейскими торгово-промышленными центрами. Наряду с греческими и еврейскими купцами армянское купечество Смирны сыграло важную роль в обмене малоазийского шелка и хлопкового сырья на европейские промышленные товары.